

富嶠州堂醫學叢書





銅人鍼灸經卷之五



**竅陰**二穴在完骨上枕骨下足太陽少陽之會主骨疽

發厲項痛引頭也灸五壯鍼入三分



浮白 二穴在耳後入髮際一寸足太陽之會主寒熱喉

痺欬逆疝積胃中滿不得喘息胃痛耳聾嘈嘈无所

聞頸項癰腫不能言及瘦肩不舉也鍼入三分灸三

壯

附分 二穴在第二椎下附項內廉兩傍各三寸手足太

陽之會主背痛引領灸五壯鍼入三分

魄戶 二穴在第三椎下兩傍各三寸宛宛中正坐取之

足太陽脈氣所發主背胛悶无氣力勞損痿黃五尸

走疰項強不得回顧鍼入五分灸亦得

神堂 二穴在第五椎下兩傍各三寸陷者中正坐取之



足太陽脈氣所發主肩痛胷腹滿洒淅反脊強急灸  
五壯鍼入三分

**腧**二穴在肩髃內廉第六椎兩傍三寸其穴抱肘取  
之足太陽脈氣所發因以手痛按之病者言謔譎鍼  
入六分主溫瘧寒瘧病瘧背悶氣滿腹脹氣眩灸二  
七壯忌蕘白酒

**膏肓**二穴主无所不療羸瘦虛損夢中失精上氣欬  
逆狂惑忘誤取穴之法令人正坐曲脊伸兩手以臂  
著膝前令正直手大指與膝頭齊以物支肘勿令臂  
得動搖從胛骨上角摸索至骨下頭其間當有四肋



三間灸中間依胛骨之裏去胛骨容安指許摩胎去  
表助間空處按之自覺牽引於肩中灸兩胛中一處  
至六百壯多至千壯當覺下齶齶然流水之狀亦當  
有所下出若得痰疾則无所不下也若病人已困不  
能正坐當令側臥俛上臂令前取穴灸之求穴法大  
校以右手從左肩止住指頭所不及者是也左亦然  
乃以前法灸之若不能久坐當伸兩臂令人挽兩胛  
骨使相離不爾胛骨覆穴不可得也所伏衣襪當令  
大小有常定不爾則失其穴也此灸訖後令人陽氣  
康盛當消息以自補養當取身體平復其穴近第五



椎望取之也。論曰昔在和緩不救晉侯之疾以其在膏之上盲之下鍼藥所不能及卽此之穴是也。人不  
能求得此穴所以痼病難追若能用心此方便求得  
灸之无疾不愈

**盲關**二穴在第七椎下兩傍各三寸陷者中正坐取之  
足太陽脈氣所發主背痛惡寒脊強俛仰難食不下  
嘔噦多涎唾也灸五壯鍼入五分

**魂門**二穴在第九椎下兩傍各三寸陷者中正坐取之  
足太陽脈氣所發主食飲不下腹中雷鳴大便不節  
小便赤黃也灸三壯鍼入五分



陽剛二穴在第十椎下兩傍各三寸正坐取之足太陽  
脈氣所發主食不下腹中雷鳴大小便不節黃水灸  
三壯鍼入五分

意舍二穴在第十一椎兩傍各三寸正坐取之足太陽  
脈氣所發主腹滿虛脹大便洩滑消渴面黃灸五十  
壯甲乙經灸三壯鍼入五分

胃倉二穴在第十二椎下兩傍各三寸主腹內虛脹水  
食不消惡寒不能俛仰鍼入三分灸五壯

背膂二穴在第十三椎下兩傍各三寸異經云與鳩尾  
相直主心下盲大堅婦人乳有餘疾灸三十壯鍼入



五分

**志室**二穴在第十四椎下兩傍各三寸正坐取之足太陽脈氣所發鍼入五分灸三壯主腰脊痛急食不消腹中堅急陰痛下腫並療之

**胞育**二穴在第十九椎下兩傍各三寸陷者中伏而取之足太陽脈氣所發主腰脊痛急食不消腹中堅急陰痛下腫並療之療惡氣腰背卒痛灸五七壯甲乙經灸三壯鍼入五分

**秩邊**二穴在第二十椎下兩傍各三寸伏而取之足太陽脈氣所發主腰痛不能俛仰小便赤黃尻重不能



舉灸三壯鍼入三分



**頤顛**二穴在曲踈顛顛上廉手足少陽陽明之交會刺

入三分灸三壯主風眩目无所見偏頭痛引目外眦

急耳鳴好噎頸痛



**客主**

二穴在耳前上廉起骨開口有穴動脈宛宛中一名上關足陽明之會主聾目風牙疼痛牙車不開口噤嚼食偏風眼喎通睛耳聾狀如蟬聲鍼入一分灸七壯艾炷如筋頭大必須側臥張口取穴避風又上關不得深下關不得久留鍼問曰上關何以不得深下關何以不得久留鍼荅曰上關若深令人得欠不得欬且隨鍼聽下關不得久留鍼者得欬不得欠牙關急是故上關不得深下關不得久留鍼

**懸顛**

二穴在曲周顛顛中足陽明脈氣所發主熱病偏頭痛引目外背身熱煩滿汗不出齒痛面皮赤痛鍼



入三分灸三壯

**肩井**

二穴在肩上陷罅中缺盆上大骨前一寸半以三指按之當其中指下陷者中是穴一名髃井手足少陽陽維之會主五勞七傷頭項不得回顧背髃悶兩手不得向頭或因馬拗傷腰髓疼腳氣入鍼四分不宜灸鍼不得深深卽令人悶甲乙經云鍼只可五分此髃井脈足陽明之會乃連入五藏氣若深則引五藏之氣乃令人短壽大肥人亦可倍之若悶倒不識人卽須三里下氣雖不悶倒但鍼髃井卽須三里下氣大良及婦人懷胎落訖覺後手足厥逆鍼肩井手



足立差若有灼然解鍼者遣鍼不解鍼者不可遣鍼  
灸乃勝鍼日灸七壯若鍼肩井必三里下氣如不灸  
三里卽拔氣上其鍼膊井出甄權經

**肩髃**

二穴在膊骨頭肩端兩骨間陷者宛宛中是平手  
取其穴手陽明躄脈之會鍼入八分主療偏風半身  
不遂熱風疹風習俛仰風刺風風虛手不得上頭捉  
物不得挽弓不開臂細无力酸疼臂冷而緩患刺風  
者百日刺筋百日刺骨方可得瘳灸亦得然不及鍼  
遂以平手取其穴日灸七壯養爲度

**臂臑**

二穴在肩髃下一分兩筋間兩骨罅陷者宛宛中



宜灸不宜鍼日灸七壯主療勞瘵臂細无力手不得  
向頭其穴平手取之不得拳手令急其穴卽閉若鍼  
不得過三五過多生惡

**曲池**二穴者土也在肘外輔骨曲肘橫文頭宛宛中陷  
者是手陽明脈之所入爲合也手拱臂取之如畔文  
頭卽是療偏風半身不遂刺風疹疼痛冷緩捉物不  
得挽弓不開屈伸難引脈風臂肘細而无力鍼入七  
分灸亦良但令斷風抽氣而已

**通谷**二穴在夾上管兩傍相去三寸衝脈足少陰之會  
治乾嘔又无所出又治勞食欲鬲結鍼入五分灸五



壯

**膏肓**

二穴一名長平一名膏肓是脾之募在大橫外直  
臍季肋端必須側臥伸下腳縮上腳乃得穴足厥陰  
少陽之會主膀胱氣癰疽疲氣膀胱氣痛狀如雷聲  
積聚氣鍼入六分灸亦良

**伏兔**

二穴在膝上六寸起肉正跪坐取之足陽明脈氣  
所發治風勞痺逆往邪膝冷手節攣縮身隱胗腹脹  
少氣婦人八部諸病鍼入三分禁灸

**陰市**

二穴一名陰鼎在膝上三寸伏兔下是穴足陽明  
脈氣所發主寒疝下至腰腳如冷水小腸諸疝按之



在膝上伏兔下寒疝腹脹滿痿厥少氣鍼入三分灸  
三壯

**犢鼻**

二穴在膝膑下胛俠罅大筋中足陽明脈氣所發  
主犢鼻腫洗熨去之其久堅勿攻攻者死膝中痛不  
仁難跪起諸腫節潰者死不潰可療鍼入三分灸三

**壯陽**

**委中**

二穴者土也在膕中央約文中動脈甄權云在曲  
湫內兩筋兩骨中宛宛是足太陽脈氣之所入爲合  
也令人面挺腹地而取之主腳弱无力風溼痺筋急  
半身不遂灸不及鍼鍼入八分灸三壯



三里二穴者土也在膝下三寸胛外廉陷者宛宛中是足陽明脈之所入爲合也主腰滿堅塊不能食痛氣不足反胃胃脅積氣腳弱鍼腹背每須去三里六入八分灸亦良

銅人鍼灸經卷之五

錢塘丁丙校宋



金匱要略





銅人鍼灸經卷之六



**角孫**二穴在耳郭中間開口有穴手足少陽手太陽之

會主齒不嚼物齟動腫灸三壯鍼入三分

**耳門**二穴在耳前起肉當耳缺者主耳有膿及底耳聾



耳耳痛鳴聾并齒齟鍼入三分灸三壯

**聽會**

二穴在耳前陷中上關下一寸動脈宛宛中張口得之手少陽脈氣所發鍼入三分主耳聾耳中鳴如蟬聲通耳牙車急疼痛不得嚼食牙車脫臼相離一寸其穴側臥張口得之灸亦良

**天牖**

二穴在頸筋缺盆上天容後天柱前完骨下髮際

上一寸陷者宛宛中手少陽氣所發主頭風面腫項強不得回轉夜夢顛倒面青黃无顏色鍼入五分不宜灸若灸而腫眼合先取譙譙後鍼天牖風池其病卽差



**天府**二穴在兩腋下三寸宛宛中手太陰脈氣所發主  
頭眩目瞑遠視眩暈鍼入四分灸入七壯不除再灸  
百壯甲乙經禁灸

**曲澤**二穴者水也在肘內廉下陷者中屈肘得之手心  
主脈之所入爲合也主心痛出穴則心下澹澹喜驚  
身熱煩心口乾逆氣嘔血時癰癢善搖頭青汗出不  
過肩傷寒病溫溫身熱口乾灸三壯鍼入三分

**少海**二穴者水也一名曲節手少陰脈之所入爲合也  
在肘內橫文頭屈手向頭取之陷者宛宛中甲乙經  
云穴在肘內廉節後陷者中動應手療腋下瘰癧痛



疼屈伸不得風痺疼疰病鍼入三分禁灸

**巨虛上廉**二穴在三里三寸兩筋兩骨罅間陷者宛宛

中足陽明與太陽合鍼入八分主大腸氣不足偏風  
脹腿腳不隨不得履地腳氣刺風癰風腳冷寒瘧灸  
之大良

**條口**二穴在上廉下一寸陽明脈氣所發主脛寒不得  
臥疼痛足緩失履溼痺足下熱不能久立鍼入八分  
灸三壯

**巨虛下廉**二穴足陽明與小腸合在上廉下三寸兩筋  
兩骨罅陷者宛宛中蹲地坐而取之鍼入六分又鍼



入三分灸三壯主小腸氣不足面無顏色偏風熱風冷痺不遂風溼痺灸亦良不及鍼灸瘡差冷痺卽已

**承山**

二穴一名魚腸山一名傷山在兌臑腸下分肉間

陷者中定腹取之主腳弱無力腳重偏風不遂鍼入

八分灸亦得

**上崑崙**

二穴者火足太陽脈之所行爲經也在外踝後

跟骨上陷者中治惡血風氣腫痛腳腫水鍼入五分

灸三壯

**下崑崙**

二穴一名內崑崙在外踝下一寸大筋後內陷

骨宛宛中主刺風胗風熱風冷痺腰疼偏風半身不



遂脚重疼不履地鍼入四分灸之亦良其穴蹲地効  
引亟之灸百壯止

**聽宮**二穴在耳中珠子大如赤小豆手足少陽手太陽

三脈之會鍼入一分灸三壯主耳聾填如无所聞嘔





噉嘈嘈蟬鳴及心腹滿臂痛失聲

**缺盆**

二穴在肩上橫骨陷中一名天蓋肩上是穴主寒

熱瘰癧缺盆中腫外潰不死胷中熱滿腹大水氣缺  
盆中痛汗出喉痹咳嗽灸三壯鍼入三分

**孔最**

二穴在腕上七寸手太陰郄治熱病汗不出吐血

失瘖腫痛惡血鍼入三分灸亦得

**列缺**

二穴在腕上一寸半交叉頭兩筋兩骨罅宛宛中

手太陰絡主療偏風口喎半身不遂鍼入三分灸亦  
得若患偏風灸至一百壯若患腕勞灸至妙

**經渠**

二穴者金也在寸口中陷者中手太陰脈之所行



爲經也主寒熱胃背急痛胃中膨膨痛喉痹掌中熱  
主咳逆上氣喘數欠熱病汗不出暴痹喘逆心痛欲  
嘔鍼入三分不可灸卽傷人神

**小冲**二穴者木也一名經如在手小指內廉之端去甲  
如韭葉手少陰脈之所出爲井也主熱病煩心上氣  
心痛冷煩滿少氣悲恐喜驚掌熱肘掖胃中痛口中  
熱咽中酸乍寒熱手拳不伸掌痛引掖鍼入一分灸  
一壯

**勞宮**二穴者火也一名五里在掌中央橫文動脈中以  
屈無名指頭著處是手心主脈之所流爲榮也主手



掌後痛痺手痺白屑起鍼入二分只過一度如過一度令人虛不得灸灸卽生息肉

**髀關**二穴在膝上伏兔後交分中主膝寒不仁痺痿不出伸也灸三壯鍼入三分

**梁丘**二穴足陽明却在膝上三寸兩筋間治大驚脛痛冷痺膝痛不能伸屈鍼入五分

**隱白**二穴者木也足大指端內側去爪甲角如韭葉宛宛中足太陰脈之所出爲井主腹中有寒熱起氣喘衄血不止腹中脹逆脛中寒熱不得臥氣滿胃中熱暴洩鬲中嘔吐不欲食飲尸厥不知人脈動如故渴



飲身體疼痛唾也鍼入一分灸三壯

**承筋**

二穴一名膈腸一名直腸在脛後從腳跟後上七

寸膈中央陷者中足太陽脈氣所發治風勞熱足煩  
腫痛轉筋急痛身隱疹大小便不止鍼入三分

**陽谿**

二穴在外踝前一寸陷者宛宛中治腳氣腎氣婦

人血氣鍼入三分

**陰谿**

二穴在足內踝陷者中宛宛是卒疝小腹痛病者

左取右右取左立已女子不月水驚喜悲不樂如墮  
墜汗出面黑病饑不欲食婦人淋瀝陰挺出四支淫  
樂心悶暴虐及諸淋目痛小腹偏痛嘔逆嗜臥偏枯



不能行大風暴不知人臥驚視如見星尿如黃水小  
腹熱咽乾也灸三壯鍼入三分



**風府**一穴本在項後入髮際一寸大筋上宛宛中起肉

疾言其肉立起言休立下督脈陽維之會不可灸鍼  
入三分主頭項急不可傾側目眩鼻衄不得息瘖不



能言隘痛足不仁狂走欲自殺自反妄視

**痰脈**二穴一名資脈在耳內雞足青脈是穴主頭風耳

後痛小兒驚癇瘕嘔吐洩注驚恐失精視瞻不明

咳管灸三壯鍼入一分

**清冷淵**二穴在肘上二寸伸肘舉臂取之主肩不舉不

得帶衣灸三壯鍼入三分

**消痰**二穴在肩下外關腋斜肘分下行主寒熱風痺頭

痛肩背急鍼入六分灸三壯

**肩外俞**二穴在肩胛上廉去脊三寸陷者中主肩甲痛

熱而寒至肘灸一壯鍼入六分



**曲垣**二穴在肩中央曲甲陷者中按之應手痛是穴主  
肩痛周痹灸三壯鍼入九分

**間**二穴者水也一名間谷在手大指次指本節前內  
側陷者中手陽明脈之所流爲榮也主喉痹多臥喜  
睡肩髆喉痹咽如物傷背忽振寒鍼入三分灸三壯

**三間**二穴者木也一名少谷在手大指次指本節之後  
內側陷者中手陽明脈之所注爲俞也主喉痹咽中  
如鯁齒齲痛多臥喜睡胃滿腹鳴虛寒熱唇口乾身  
熱喘息目急痛鍼入三分

**少澤**二穴者金也一名少吉在手小指端去爪甲下一



分陷者中手太陽脈之所出爲井也主瘧寒熱汗不出頭痛咳嗽癰瘰口乾頭痛不可顧也鍼入一分灸

一壯

**前谷**

二穴者水也在手小指外側本節前陷者中手太

陽脈之所流榮也刺入一分灸三壯主目眩淫淫轉

甲小指痛

**陽谷**

二穴者火也在手外側腕中覓骨之下陷者中手

太陽脈之所行爲經也主顛疾狂走熱病汗不出脅

痛頸腫寒熱耳聾耳鳴牙齒齩痛臂腕外側痛不舉

吐舌戾頸妄言不得左右顧俛瘰瘰頭眩眼痛鍼入



二分灸三壯

**飛揚**

一穴一名厥陽足太陽絡在外踝上七寸別走少陰者刺入三分灸三壯主頭眩目痛

**束骨**

一穴者木也在足小指外本節後陷者中足太陽脈之所注爲俞也刺入三分灸三壯主頭痛目眩身熱肌肉動

**湧泉**

一穴者水也一名地冲在足心陷者中屈足捲指宛宛中足少陰脈之所出爲井也主小便不利心中結熱腳底白肉際不得履地刺風脈風風癰灸亦得然不及鍼者灸廢人行動不可傳之於後鍼入五分



膝眼四穴在膝頭骨下兩傍陷者宛宛中是穴鍼入五  
分留三呼瀉五吸主膝冷疼痛不已禁灸

銅人鍼灸經卷之六

錢塘丁申校





銅人鍼灸經卷之七

鍼灸吉日

丁卯 庚午 甲戌 丙子 壬午 甲申 丁亥

辛卯 壬辰 丙申 戊戌 己亥 己未 庚子

辛丑 甲辰 乙巳 丙午 戊申 壬子 癸丑

乙卯 丙辰 壬戌 丙戌

以上並吉又宜用除日破日開日天醫要安並吉

鍼灸忌日

丁丑及白虎血忌血支月厭月殺月刑死別獨大凶又

男忌除日女忌破日



十干日不治病

甲不治頭 乙不治喉 丙不治肩 丁不治心 戊

己不治腹 庚不治腰 辛不治膝 壬不治脛 癸

不治足


十干日不鍼灸

甲日頭 乙日耳 丙日肩 丁日背 戊己日腹胛

庚日肺腰 辛日膝 壬日腎經 癸日手足



推二十部人神圖



推尻神起例圖



此神農所制一歲起坤二歲  
震逐年順飛九宮周而復始  
行年到處則所主敗體切忌  
鍼灸如誤犯之必致喪命或  
發癰疽宜速治之

一歲起心二歲喉逐年依次  
順行十二部終而復始行年  
所值者切忌鍼灸



推九部人神圖



推四時太乙所在

云六府鬲下三藏應四季中州其有戊己

日大禁太乙所在忌鍼灸

左足 應立春日其日戊寅己丑 左脅 應春分其日乙卯

左手 應土主夏日戊辰己巳 頭 應夏至其日丙午

一歲起臍二歲心逐歲順行  
周而復始行年所值處忌鍼  
灸 所錄見明堂經



右手

應立秋日戊申己未

右脅

應秋分其日辛酉

右足

應立冬日戊戌己亥

腰尻下竅

應冬至壬子

推四時人神所在

春左脅

夏臍

19秋右脅

冬腰

推三旬人神所在

誤鍼灸者各致其疾

初一

在足大指厥陰分鍼之主發跗腫

初二

在外踝少陽分鍼之經筋緩

初三

在股少陰分鍼之主小腹痛

初四

在腰太陽分鍼之主腰僂无力



初五在口太陰分鍼之主舌強

初六在太咽手陽明分鍼之咽門不開

初七在內踝少陰分鍼之陰經筋急

初八在手腕太陽分鍼灸挽不收

初九在尻厥陰分鍼灸之病結

初十在背腰太陽分鍼灸之腰背僂

十一在鼻柱陽明分鍼灸之齒面腫

十二在髮際少陽分鍼之耳重聽

十三在牙齒少陰分鍼灸之氣寒

十四在胃脘陽明分鍼之氣脹



廿五

在徧身不補不瀉大忌鍼灸

廿六

在胃太陰分鍼之逆息

廿七

在氣衝陽明分鍼之難息

廿八

在股內少陰分鍼之引陰氣痛

廿九

在足陽明分鍼之發腫

三十

在內踝少陰分鍼之經筋攣

卅一

在手少指太陽分鍼之手不仁

卅二

在外踝少陽分鍼之經筋緩

卅三

在肝及足厥陰分鍼之發轉筋

卅四

在手陽明分鍼灸咽中不利



廿五

在足陽明分鍼之胃氣脹

廿六

在胃太陽分鍼灸之令人喘嗽

廿七

在膝陽明分鍼之足經厥逆

廿八

在陰少陰分鍼之小腹急痛

廿九

在膝脛厥陰分鍼之筋痿少力

三十

在足趺陽明分日空亡不瀉忌鍼

推十二支人神所在處忌鍼灸

子日

在口

丑日

在脛一

寅日

在胃

卯日

在脛一

辰日

在腰

巳日

在手

午日

在心

未日

在手一

申日

在頭一

酉日

在背

戌日

在面一

亥日

在頭

云背

云頭

云項

云耳



推十二時人神

子時 在踝

丑時 在腰

寅時 在目

卯時 在面

辰時 在頭

巳時 在手

午時 在臂

未時 在腹

申時 在心

酉時 在背

戌時 在項

亥時 在股

量穴法

凡量穴當以病人手中指第二節兩橫文相去之間為寸凡點穴時須要身平正不可拳曲切須慎之

灸艾雜說

凡灸火皆以日正午以後方可下火灸謂陰氣未至灸无不著午前平日穀氣虛令人癩眩不可臥灸謹之謹



之大槩如此卒急者又不可拘此若遇陰霧大起風雪  
忽降猛雨炎暑雷電虹霓且暫停候晴明可方下水灸  
時不得傷飽大饑飲酒生硬物兼不可思慮憂愁呼罵  
嘆息一切不祥切須忌之

銅人鍼灸經卷之七

錢塘丁申校梨



銅人鍼灸經校勘記

目錄

原本標題上有新刊二字次行有山西平陽府刊六字

璇璣主支滿

原脫中滿字

庭主胃滿

胃原誤鬼

目骨一穴

當是巨骨二穴之誤辨詳跋語

俞府

俞舊經與聖濟

作輸甲乙外臺作

或中

或甲乙作或他書與此同

上管中管下管

管舊

經與甲乙聖濟並作

中管治心蟹

蟹原作匿案千金云凡腹中熱喜渴涎出

是蛭也以手聚而按之堅持勿令得移以大鍼刺中管

久持之中不動乃出鍼又外臺中管注云心腹痛發作

腫聚往來上下行痛有休止腹中熱善涎出是蛭蝨也

廣韻三十四職匡注云蟲食病女力切又蟹注云與上

同蟹為蟲食病與蟲蝨之說地倉倉原分水舊經與甲

正合蓋原脫虫字耳今据改

臺聖濟並巨門巨舊經與甲乙千金中極中原身柱原

作水分外臺聖濟並作石誤脊俞舊經與甲乙千金外氣海俞治痔病瀉血瀉原

男誤脊俞舊經與甲乙千金外氣海俞治痔病瀉血瀉原



關元俞 原脫俞字案關元在臍下三寸而此穴在小腸背當是關元俞也原圖有俞字今據補

俞治大便赤痔 赤痔原誤亦痔 中膺俞治赤白痢 痢原誤頭 白環俞

治脊痛 脊痛原誤脊專 浮白治欬逆 欬逆原誤陵通 育門治心下育 育原

誤育 肩髃 肩原誤扁 臂臑 臑原誤腦 勞宮主手痺 痺上原衍一瘧字今削 風府

主頭項急 項原誤頂 三間主咽喉 喉原誤唯 飛揚 揚原誤陽舊經與甲乙千金並

作揚今據改惟聖濟 湧泉 湧原誤勇 推十二部人神圖 原脫圖字

卷一 原本標題上有新刊二字下卷同 其十二經脈者 二原誤三 從手至臂

從原誤後 從足至臂 從原誤後 是以春夏各致一陰 一原誤二 春刺井

夏刺榮仲夏刺俞秋冬刺合也 靈樞順氣一日分為四時篇與千金並云春取

榮夏取俞季夏取經秋取合冬取井 素問診要經終論又不同未知孰是 手三陰三陽流注



者原脫此行今据下文過於列缺為原原千金作源下

與甲乙皆六府有原五藏靈樞本輸甲乙外注於大泉靈樞本輸甲乙外

作大入於尺澤尺原心出中沖為井手少陰脈也千金

包絡脈也案舊經甲乙外臺並心包絡脈手厥陰之脈

也出於少沖為井千金作心出於少衝為井手少陰脈

靈樞本輸過於通里為原原原行於支渠舊經甲乙千

本輸並流於泉谷舊經甲乙千金過於挽谷舊經甲乙

靈樞本輸過於中封為原行於中都為經舊經甲乙聖

並以中封為經無中都為原外臺作過於中都為原

行於中封為經惟千金作過於中封為源行於中却為

經與此同中行於復留復千金經脈之往來也脈原補



虛瀉實實原然是金水木火土木原則知肺虛則原名

之曰補原作名一如人行十里許許原患人默默原誤哩哩

不離乎心原作不習身目欲內視目原誤曰消息氣血

血原誤而不得妄行鍼千金無五曰鉞鍼靈樞九鍼十

素問鍼解篇並作鉞惟素六曰圓利鍼圓原誤九據

問血氣形志篇王注有鉞靈樞九鍼十

二原九鍼論素此之謂各有所立也立素問鍼黔首其

問鍼解篇改獨來獨往原脫獨來二字據素

餘食其原誤其據素問獨來獨往問寶命全形論補

留氣已至留素問寶命手如探虎探素問寶命

卷二 **正星** 督脈氣所發督原 **頤會** 多腫舊經作 **前頂甄**

權權原以鹽末鹽原指髮際下指原 **頤會** 督脈督原吐

權權原桂誤益誤指誤 **頤會** 督脈督原吐



沫沫原恐拔氣上拔原忌酒麪麪原天突天突胃中氣噎原

噎胃紫管在華蓋下原脫胃膈骨疼原痛骨疼原不得

喘息息原胃膈骨疼原痛骨疼原目得目得一穴當是巨骨二穴

在心胛骨頭心蓋肩之誤一食魚疑是一食雲雲在目

骨下目骨是巨骨之少商少商鍼之所以勝氣者原以勝氣原

者者焦焦為榮也榮原不足以息息原誤濕誤肘攣肘原時時據外

臺外臺作痙說文痙彊急也無痙字素問諸頸項強

改痙皆屬於溼與說文彊急義合仲景金匱脊強五痙

之總名痙蓋陰痿痿原誤瘦色不變肺心痛心原誤化

欬引尻痛原作牽引尻汗不出原脫不字出下行目泣

出泣原誤眩狂易原誤往腸原校勘記



卷三神庭 卽發狂狂原 眉冲 理目五般癩理目二字 水

溝 徧身腫身原 葉葉然風葉葉舊經作葉葉案論語葉

舊經作菜亦 承 炷原誤 如臍內臍原 疔癬疔原 氣

塊伏梁之徒氣字原誤 俞府 足少陰脈氣所發原作足

舊經與 神 厥 足少陰陰原誤 據舊據舊 靈 疔 足少陰陰原

甲乙改 五處去上星二寸半舊經及甲乙並作 承 光

在五處後二寸舊經作一寸五分 睛 明 冷 淚淚原 瞳 現

舊經作瞳目今案集韻 承 泣 不宜灸舊經灸三壯此云

鳩尾 巨骨下舊經作 狀如鳥鳥案聖濟云鳩尾在蔽骨

尾形疑此亦當作狀如鳩尾與在巨骨下五分接寫今乃誤倒於主心驚煩發之下耳 上 循 去 巨



骨三寸 巨原誤豆案 足陽明 原脫 賁脈 豚原 熱病 病原

宜瀉之後補 宜原 其病可應 原作可為 心璽 監原

辨見 下信 脈厥厥動 舊經作 氣動 失音 不得飲

食水漿漏落 原作不得飲 眼喘動 眼原 泉 古縱涎出

原作舌口噤 原作 陰交 作塊 理 鍼入八分 舊經

不可鍼鍼之使人 絕元 惡露不止 原脫忘字止

卷四 後 督脈 督原 腦 一名仰風 甲乙作 一名會顛

舊經作合顛 大推 溫瘧 瘧原 背髀悶 背原 不得回顧 原

甲乙作會顛 誤 狂走 狂原 見鬼 鬼原 淫灤 灤原 難言 難原

筋縮狂走 狂原 脊俞節下間 原誤中 風癩 癩原 筋

同入或之至校勘記



下間原誤下命門節下原誤腰俞相重相原溫瘧瘧瘧

原誤溫長強下部蠶蠶原然抽之抽原風池甲乙經云

鍼入一寸二分案今本甲乙知骨四分分原心俞寒熱

熱原肝俞各一寸各原胃痛原誤元俞原脫俞字據

前小便難難原厥勝俞大小便難難原白環俞甄權經

云經原皮肉皮原風虛虛原

卷五 欬陰項痛項原白耳聾嘈嘈无所聞嘈嘈舊經

廣韻聾耳中聲玉篇嘈聲也義通 膏肓俞夢中夢原上氣上字下原去

胛骨去原摩腦原誤聾聾然原誤廣韻聾然據舊經及外

求穴法穴原所伏衣襟當令大小有常定不爾則失其



穴也

案膏肓俞文全與舊經同惟此數語舊經無蓋據外臺所增

**鬲關**

俛仰難原脫

多涎唾也

原誤灸延睡也

**意舍**

虛脹誤服

面黃

面舊經作目

**胃門**

相

直

直原宜心下盲

育原

**命室**足太陽

足原

**胞背**

第十九椎

下

九原

**頷厭**

顛顛

顛顛

目外眦

背原

**客主**

牙車不開

原

牙

口噤

噤原

偏風

偏原

艾炷

艾原

**肩井**

背髀悶

背髀原

則引五藏之氣

則原

覺後

此下原

手足厥逆

厥逆原

遺鍼

遺原

肩髃

平手

取其穴

取原

**膺臑**

膺臑原

曲池

曲池原

土原

**章門**

季肋端

肋原

足厥陰少陽之會

之原

**臑臑**

臑臑原

其

久堅勿攻攻者死

攻原

**委中**

在臑中央

臑原

誤間

臑原

臑原

臑原

臑原

臑原

卷六

**角孫**

手足少陽手太陽之會

舊經無手太陽三字

甲乙作手陽明惟素

當歸草

當歸草

當歸草

當歸草

當歸草

當歸草



問氣府論王  
注與此同  
**耳門**底耳  
舊經作隆耳集韻  
**聽會**牙車脫

白誤目原天癩面腫眼合眼原  
**曲澤**善搖頭善原  
**巨髎**上

廉足陽明與太陽合甲乙作足陽明與大腸合据下文  
巨虛下廉足陽明與小腸合與甲

乙同則  
此疑誤  
**條口**在上廉下一寸舊經與甲乙並作  
**承山**在

兌膻腸下膻原  
**缺盆**二穴上字衍  
在肩原脫上水氣

水原誤小  
**經泉**數欠欠原  
暴痺痺原  
**小冲**一名經如舊經作

內廉之端端原  
上氣上原  
**勞宮**是手心主脈之所流原心

誤為榮也榮原  
**蠡腧**主膝寒膝原  
**梁丘**在膝上三寸舊

與甲乙並  
脛痛舊經作  
**隱白**不欲食飲此下原衍  
脈動

如故原脫  
**承筋**一名膻腸膻原  
膻中央膻原  
**陽谿**在外



踝前誤踝原誤陰誤暴不知人知原風府鼻衄原作裏誤雞

足青脈是雞原項誤脊急肩背原二間咽如物傷上

原衍一背忽振寒原脫三間咽中如鯁原作齒齲原

誤飛揚辨見前別走少陰者走原束骨在足小指外

指原誤膏泉心中結熱中原

卷七推屍神起例圖中宮肩尻肩原誤音據震肱指牙

原誤口牙據推十二部人神圖喉原誤喉據干脊外臺

並作陰原誤據干推四時太乙所在戊寅原作戊子舊經

避忌圖與靈樞九鍼左脅與下文右脅原並誤留舊經

乙卯舊經作已卯靈樞頭舊經作首頭靈樞九下竅原

同誤九鍼論與此同舊經作首頭靈樞九下竅原



誤丁据舊經及靈樞九鍼論改王子原誤丙午据舊經推四時人神所

**在春左脅**脅原誤胸据千金外臺改推三旬人神所在原脫所字主發跗

腫跗原手陽明分手原在胃腕腕原經筋擊筋原經筋

緩經筋原推可三人神辰日在腰原脫腰字据千金外臺補灸艾

**雜說**皆以日正午以後日原炎暑炎原誤灸

錢塘丁氏校彙此書梅襄其役底本漫漶改字太多未

敢自信悉記於此後有糾我失者檢此即原本如故也

凡据他書改者必稱据某書改其止稱原誤某字者皆

据王惟德舊經所改書不勝書故省其文光緒九年十

月馮一梅又識  
鄞縣蔣瑞堂刻字



右銅人鍼灸經七卷當 四庫箸錄此書時未見王惟

德三卷原本然王惟德舊經實未佚梅嘗購得之今與  
此書互校舊經俞穴半爲此書所闕頭部無絡卻目窗  
正營承靈腦空懸釐率谷曲鬢翳風面部無素髻兌端  
斷交禾髻陽白大迎本神絲竹空瞳子髻頭維下關和  
髻頰車肩部無天髻膈會肩髻肩貞天宗秉風膈俞肩  
中俞背部無靈臺陽關上髻次髻中髻下髻會陽頸部  
無天容天窗天鼎扶突人迎水突氣舍膈部無氣戶庫  
房屋翳膺窗乳中乳根中府周榮胃鄉天谿食竇掖部  
無淵掖輒筋天池大包腹部無神闕氣海曲骨會陰幽



門陰都石關商曲育俞中注四滿氣穴大赫橫骨不容  
承滿梁門關門太一滑肉門天樞外陵大巨水道歸來  
氣衝期門日月腹哀大橫腹結府舍衝門京門帶脈五  
樞維道居髎手太陰無大淵尺澤俠白手陽明無商陽  
合谷陽谿偏厯溫留下廉上廉三里肘髎五里手少陰  
無少府神門陰郄通里靈道青靈極泉手太陽無後谿  
腕骨養老支正小海手厥陰無中衝太陵內關間使郄  
門天泉手少陽無關衝液門中渚陽池外關支滿會宗  
三陽絡四瀆天井足太陰無大都太白公孫商邱三陰  
交漏谷地機陰陵泉血海箕門足陽明無厲兌內庭陷



谷衝陽解谿豐隆足少陰無然谷大谿大鍾水泉照海  
復溜交信築賓陰谷足太陽無至陰通谷京骨申脈金  
門僕參付陽合陽委陽浮郄陰門扶承而足厥陰之大  
敦行間太衝中封蠡溝中都膝關曲泉陰包五里陰廉  
足少陽之竅陰俠谿地五會臨泣丘墟懸鍾陽輔光明  
外邱陰交陽陵泉陽關中瀆環跳盡不載疑世醫采所  
習用編爲一書故俞穴不全錄然此書第二卷目骨第  
三卷眉冲神總明堂當陽前關第四卷督俞氣海俞關  
元俞第六卷下崑崙陽躄陰躄膝眼皆舊經所無徧攷  
素問王注與甲乙千金外臺聖濟亦皆無此數穴殆別



有師承歟陰躄陽躄疑卽照海申脈然舊經照海在足  
內踝下而此書陰躄在足內踝陷者中舊經申脈在外  
踝下陷中而此書陽躄在外踝前一寸陷者中所載主  
治亦不盡同未敢竟以爲是而目骨一穴在心胛骨頭  
實是巨骨二穴在肩胛骨頭之誤雲門在目骨下亦是  
巨骨之誤第三卷鳩尾在臆前蔽骨下此書作巨骨下  
蓋誤移肩端巨骨之名以稱臆前蔽骨而巨字又誤作  
目字二穴遂誤作一穴肩胛亦誤作心胛其實胛字專  
屬肩背從無心骨亦稱胛者可知巨骨亦惟肩有此穴  
不得以此稱心蔽骨乃又誤巨作目而其主治驚癇破



心吐血亦卽用鳩尾主心驚煩發破心吐血之文舛謬  
之由顯然可指且旣曰禁鍼又曰鍼入四分尤不可信  
案外臺鳩尾注云不可灸刺一云灸五壯又引甄權云  
宜鍼不宜灸此書鳩尾穴亦云取氣多不幸令人死是  
鳩尾之可鍼不可鍼可灸不可灸古人尙無定說而安  
可更增此說乎若顛會穴舊經止云初灸不痛病去卽  
痛而此云初灸之時痛五十壯卽不痛至七十壯或痛  
卽停灸承泣穴舊經云可灸三壯而此云不宜灸與甲  
乙經同又云若灸不問多少三日以後眼下大如拳息  
肉日加長如桃許至一月日如五升大則較甲乙爲詳



關元穴舊經止云鍼入八分而此云若懷胎不鍼鍼必  
落胎疑皆出於試驗是此書不可廢處也其首卷論俞  
穴流注蓋本千金而參用靈樞本輸文論九鍼則錄素  
問鍼解篇與刺齊論刺禁論寶命全形論文其末卷推  
四時太乙及三旬人神所在卽舊經鍼灸避忌圖文推  
十二部九部四時十二時人神與十干忌日蓋本千金  
外臺推屍神起例蓋本王國瑞神應鍼灸玉龍經惟所  
載鍼灸吉日以黃帝蝦蟇經校之多不合蝦蟇經甲申  
爲人民離日丙申爲江河離日戊申爲天地離日又四  
絕日之一辛卯爲師曠死日並忌灸刺又丁卯丁亥壬



辰庚子乙卯丙辰亦皆不宜灸刺而此書以爲吉日疑  
非古法鍼灸蝦蟇忌明堂蝦蟇圖見隋經籍志孔穴蝦  
蟇圖見舊唐經籍志新唐藝文志其書至宋而佚宋藝  
文志不載日本丹波紹翁輯衛生彙編內有蝦蟇經一  
種今始流傳入中土宜當日未及見此然治病至於擇  
日猶兵家之奇門六壬無足深辨姑存其異以備一說  
可矣錢塘竹舟松生兩丁君刻當歸艸堂醫學叢書采  
四庫已著錄者而及此書梅與襄校勘之役并屬同  
里王君恩甫重爲繪圖因攷及此書底蘊如此第二卷  
日骨爲巨骨之誤已於圖中改正第三卷原闕第六策



今亦爲補圖惟神總明堂當陽前關四穴他書無攷莫  
定所在仍闕之光緒九年十月慈谿馮一梅識





